

A. M. I. K.



A N T E R O S,  
intra  
M A R T I S & E R O T I S F U L M I N A,  
scilicet,  
G E N E R O S U S & N O B I L I S S I M U S J U V E N I S,  
D N. J O H A N N E S M E L K O,  
O P P I D I R A J E C Z E N S I S N O B I L I S, & C I V I S,  
ut SPONSUS,  
&  
G E N E R O S I ac N O B I L I S S I M I V I R I  
D N. S T E P H A N I Z A L U S K Y  
Arcis Lietawa Capitanei meritissimi &c.  
G E N E R O S A ac N O B I L I S S I M I S virtutum gemmis decora,  
H E S T E R A,

F I L I A,  
ut SPONSA,  
I n V I C T I p V D O R I S t e L I S t r I V M p h a n s. die 22. Novem.

**T**andem Vicit ANTEROS victoriosissimus, dum ejus uno Herculeo ictu duo Gigantes, universum generis humani orbem vastantes, occidunt. Tandem athletica manus fudit invictum MARTEM, rebellantem ANTEROS subjugavit EROTEM. Imperavit amor, & timuerunt peltica scuta, Venit CUPIDO, & terruit classica MARTIS, vidit maleferiatas ANTEROS copias EROTIS, & profligavit. Cedunt Martialia Cupidini arma, Bellona cedit UENERI, cedit EROS Hymenæo Pudori. Et TU vicisti tandem sat remoratâ victoriâ, NOBILISSIME SPONSE, dum succensæ flammæ tui amoris, Martialia vastant scuta, comburunt EROTIS arcus, inflammant pyras Hymenæas, cinerant affectus prava cupidine illectos. Ceciderunt TUO prostrata amore duo maleferiata monstra, occubuerunt Cyclopes, funestantur MARS & EROS orbis prodigia. Et cur non? Semper bona causa, sive vincat, sive vincatur, triumphat. Uincit maritalis elementia irata MARTIS fulmina, illibatus amor illicita desideria, moderatus pudor immoderata supra, numeratæ copię integritatis, pellicatûs innumeros exercitus, detriumphant. Nec sine victoriosæ pugnæ coronata reverteris Victoriâ, cum Tibi, NOBILISSIME SPONSE, FATO Divino decernente, PATERNO favore non recusante, in testimonium perennis felicitatis, Helenæ pulchritudine decorata, venustata pudore, probitate illibata, mitigata ocello, suaviata labello, melleo favonij repleta lenocinio, NOBILISSIMA SPONSA HESTERA, consecratur. Suscipe ergo redimite VICTOR, quam TIBI animosum bellicosissimæ pectoris STEMMA, gentilitio pollicebatur fervore, invicti animi peperit pudicitia, aristæ CORNUCOPIÆ aluerunt, arbitrum decrevit Cœlum, fortuna secundavit, ANTEROS triumphavit, NOBILISSIMÆ CASTITATIS, adoræam, & Venerea illectus pudoris inviolati voluptate, perpetuo deliciare. Uivite ergo NEOSPONSI NOBILISSIMI, felicissimè mutuis basijs & amplexibus maritati, Uivite DEO grati, PARENTIBUS jueundi, UOBIS salutare, vivite diu ac feliciter, & amoris vestri ardore invicti æternum decertate.

**E**RGÒ TRIUMPHAT AMOR, felice CUPIDINE Victor,  
Hic EROTIS domuit peltica scuta manu.  
Cedite BELLONÆ, Catapultis cedite nostris,  
Imperat ingenti robore firmus AMOR.  
Insonuit CORNU, jam flagrant pectora flammâ,  
ANTEROS Herculeo rutilat ense volans.  
Victus sat genuit, sed tandem MARTE triumphat,  
Et quò plus moritur, plus renovatur AMOR.  
Aurea non frustra secum gerit arma CUPIDO,  
Uel dubio jactu Vulnere mille facit.  
Non benè magnanimus contemnitur ANTEROS abs te,  
Despectus proprijs ictibus ultor erit.  
ANTÆUS diræ non remittit vulnera peltæ,  
A curvo vitam sæpius ense capit.  
Dum BELLONA suis adstant mucronibus ardet,  
ANTEROS inceptum pectore ridet opus.  
Artibus erectus puerilia prælia tenuit,  
Ultorem PUERUM MARS habet iste PATREM.  
Ferratâ extemplo trajectus cuspide Divi,  
Concidit immanis MARTE vibrante Cyclops.  
Et TE dum spernis Connubia sumere SPONSE,  
ANTEROS armatus, parva sagitta, quatit.

Et TUA jam flammis mitescunt pectora SPONSA,  
Pulchrum quas fuerat Vincere, svave pati est.  
ERGÒ TRIUMPHAT AMOR, placidò devictus ab hoste,  
Victor an est victus? bella trôphæa docent.  
HESTERAM ut vidit pretiosam ducere telam,  
Extemplo pectus flammæ corda subit.  
Substitit; & Paphiam cupidus miratur Amazon,  
Hæc ait, Antæi sit medicina Ducis.  
VERBA LIGANT HOMINES, maritantiæ fœdera palmæ,  
Promicat ingenuo corde, calore, fides.  
ERGÒ TRIUMPHAT AMOR, quem produunt tela PUDORIS,  
Intrepidoq; animo Victor ab hoste redit.  
Et jam nota volat RAJECZI famâ per oras,  
LETAVA tunc subito hæc ARX nova ferta parat.  
Fervet AMOR, pectus boreales igne pruinas  
Liquefcit, cordis bruma calore perit.  
ESSEDA scandit Hymen, SOLNENSIS MUSA precatur,  
Vota parans tædis, vota secunda tuis.  
VOS jam RAJECIDES, vos inquit, culmina testor,  
Unde mihi tantum, dicite, crescit opus?  
O A M O R, hinc vulnus, medicina paratur at inde,  
Victor eris thalami Victus ab hoste sui.

O B T U L I T M E C O E N A T I A P P L A U D E N S, J O H A N N E S B E N K O Raj. p. t. Coll. Sch. Sol.

S O L N Æ, Impressum Characterè Johannis Dádan. Anno 1671.

Regi nyomtatványok, Bratislava-lyceum  
(303.19.1)